

## **ati-sipwêsimow kê-nîmihtât itwêwina**

âskaw âh-âyiman  
ta-ohpinak masinahikanâhtik  
ta-kiyikawinamân ôhi itwêwina  
kâ-isi-nitawêyihdamihk ta-itwêhk.

ahpô êtikwê nikî-nîhtastân  
nimîkwanastotin kê-mîkisihkahtêk,  
mâka nitahcâpîm êkwa acosisak pîhtatwânihk  
ninêhpêminâwak.

tâpiskôc ispîhk kê-mîskotônîkêcik  
niwâhkômâkanak  
ê-pôsihtâcik nimoscayânisa  
nîpinitâpânâskohk  
nikî-âhcipicin  
môniyâw-wâskâhikanihk isi.

iyikohk ê-pimâtisiyân nikâh-kiskinohtahison  
kwêh-kwêkwask  
ôta apihkâcikêwi-mêskanâsihk.

ôta ôma kê-ayâyân  
kiyatowiik  
ê-pakitinamâtakok nimasinahikanâpiskom  
êkwa ê-ati-sipwêsimoyân  
ôta yôtini-mêskanâhk.

**© Louise B. Halfe – Sky Dancer**

**Parliamentary Poet Laureate**

**Translation: © Jean Okimâsis and Arok Wolvengrey, with Louise B. Halfe – Sky Dancer**